

公開組

冠軍

【臨江仙】蔡克明

楊柳依依偎曲檻。一枝折送行人。石橋煙鎖漸黃昏。斷雲橫絕壁。細雨浥輕塵。眼底鮫綃題錦字。難分淚點脂痕。落花飛絮葬鵑魂。芳菲都盡歇。無計挽殘春。

亞軍

【臨江仙·紅棉】劉峻

嶺表英雄誰首領。擎天共見心丹。高標磊落海雲間。鮫珠徒自泣。鱗甲敢相攀。尚記金鐘山畔路。壯懷烈炬桓桓。途人鬱勃幾回看。春濃姿特麗。世變血寧寒。

季軍

【臨江仙·三峽】盧活為

亘古長江遮不住。重崖疊嶂穿流。衝濤逆上幾漁舟。當年悲老杜。詩興動千秋。人道斗坪修大壩。初聞乍喜還憂。巫山雲雨一時收。倩誰祠屈宋。臨水弔張劉。

### 優異獎

(排名按姓氏筆畫序)

#### 【臨江仙】王忠義

一霎輕寒添客夢。夢魂飛越重關。沙鷗疊嶂水雲間。齊煙青數點。吹笛過仙山。世事乘除隨處有。還看燈火闌珊。投閒未老倚朱欄。橫江成一笑。揮塵鑄新顏。

#### 【臨江仙·延平津懷古】白福臻

牛斗冤銷今可信。化龍常佩腰間。天生神物遍塵寰。奇聞傳萬古。紫氣見煙鬢。龍去猶留衣帶水。延平一棹回還。津前賸看劍銑山。張雷英鑑在。說與解人顏。

#### 【臨江仙】周鍾鳴

獨上層樓高處倚。風寒凜冽秋更。驚濤既倒拍山鳴。千關渾不穩。破陣萬軍聲。小閣歸休空闔眼。夢魂連夜經營。欲拋鉛槧獻昇平。手提三尺劍。無力是書生。

#### 【臨江仙·重陽日登沙田望夫山】郭維華

獨訪寒山隨曉霧。黃花染麗深秋。撫泉殘葉奏輕愁。荒林餘晚翠。擁徑接高邱。目斷鄉關何處越。風塵鎖住重樓。憐卿化石竚山頭。幾回滄海變。天際失歸舟。

#### 【臨江仙·樓前遠眺】馮影仙

碧海無波平似鏡。青青三面遙山。鯉門舸艦去仍還。鐵鳶雙展翅。冉冉入雲間。今古悠悠天地闊。只應領略清閒。榮枯理亂不相關。夕陽今尚好。撫景一憑欄。

## 公開組

### 特別獎

(排名按姓氏筆畫序)

#### 【臨江仙·秋柳】江麟

金粉飄零應有恨。斷橋鎖住寒烟。柔  
絲歷亂覺淒然。黛舒殘照裏。腰舞晚  
風前。曾記別離江上笛。幾番  
猶致纏綿。如今憔悴倩誰憐。且將搖  
落意。分付與哀蟬。

#### 【臨江仙】朱濟川

心力拋殘堪笑我。當年悔學填詞。肚  
皮偏不合時宜。妻兒常抱怨。終歲苦  
寒飢。聊遣有涯生自適。樂乎  
天命何疑。雞蟲得失絕聞知。浮雲看  
富貴。榮辱漸忘機。

#### 【臨江仙】林浩光

凌亂暮雲生暗岫。柳絲難繫殘陽。雁  
飛不到楚天長。急風吹落絮。驟雨滄  
征裳。縱酒聊為青白眼。誰知  
阮籍疏狂。桃源不見水茫茫。猿啼山  
鬼怨。蘭柁向何鄉。

#### 【臨江仙·謁天壇大佛】祝初坡

壇聳崖山高百丈。踟躕一佛巍然。如  
來金粟法無邊。驅雲開覺路。種月度  
生天。稽首齊民虔頂禮。都祈  
萬累唐捐。我心無礙靜如禪。拈花參  
妙悟。題壁證因緣。

特別獎

(排名按姓氏筆畫序)

【臨江仙·遊觀音廟尋馬交條約碑記見連理古木雙雙枯萎】梁君儀

曲徑幽深通古殿。遺碑歷歷猶鐫。苔痕斑駁不堪看。小亭愁剝復。暗柳倚欄干。  
嘉木心枯堂下萎。丹花蕊落荒園。百年依舊世如燔。庭階何寂靜。夕露濕旂旃。

【臨江仙】陳迪光

終古乾坤今悔覺。千秋宇宙浮沉。菩提法相鏡台心。本來無一物。自在海潮音。  
最是冤禽憐僕僕。輒傷流潦淫淫。慧深已苦況哀深。花香憐病疾。鐙影照昏陰。

【臨江仙】馮棣榮

雨雨風風飄淨院。層簾未隔春寒。誰家樂韻到窗間。心旌金縷曲。夢境小重山。  
過了清明歸計緩。祇勞鴻訊先傳。遲回非為道途難。鮫珠期有價。滿載一船還。

HONG KONG PUBLIC LIBRARIES

學生組

冠軍

【臨江仙·憶遠人】

王麗珊 香港浸會學院

春雨濛濛天欲暮。殘紅落盡回隄。舊  
巢飛燕啄香泥。枝頭鶯不語。無緒獨  
徘徊。閑倚西樓相望處。單衣  
直任風吹。淚流千滴盼人歸。相思何  
處寄。心事幾人知。

亞軍

【臨江仙·宿吐露港書舍】

宮秀秀 香港中文大學

夜雨霖霖驚酒醒。披衣起坐無言。清  
燈泛彩耀山巒。濃雲舒捲處。掩卻桂  
宮仙。好景隨風容易逝。為誰  
珍重流年。捲簾無緒不成眠。深宵頻  
倚戶。細數晚歸船。

季軍

【臨江仙】

余俊熹 香港浸會學院

萬里山河光日月。長城自古堪歌。幾  
回烽火起干戈。遊人如蟻聚。白骨早  
消磨。塞外風霜生草樹。茫茫  
綠海翻波。黑龍江北盡歸俄。臨洮沉  
內陸。碣石望東倭。

優異獎

(排名按姓氏筆畫序)

【臨江仙】

林淑美 香港浸會學院

曉霧荒台秋水綠。江邊楊柳依依。亭  
中把盞論歸期。晨風催上道。惆悵別  
離時。人去樓空添寂寂。從今  
遠隔天涯。斜暉深處雁兒飛。長空孤  
影杳。何處覓相知。

【臨江仙】

林詩韻 東華三院李嘉誠中學

結隊長洲離島去。匆匆船笛催行。朝  
陽輪湧引前程。低飛鷗浪白。入望遠  
山青。風物三年添幾許。今來  
另睹經營。園林新築路縱橫。酒旗紛  
列肆。別墅聽濤聲。

【臨江仙】

梁鑑倫 九龍華仁書院

晨曙催人來起舞。更驚處處啼鶉。欲  
將天地盡迴旋。昨宵花不發。今夕月  
空圓。曉夢未殘心有恨。應知  
世事難全。人生況味自鹹酸。泛舟懷  
五柳。世外覓桃源。

學生組

優異獎

(排名按姓氏筆畫序)

【臨江仙·舞會即興】

陳巍 拔萃男書院

瑤靄巫雲相映絕。星潮爛漫爭隨。紫  
紗連漢鼓生雷。衣旋千疊浪。影曳半  
堂輝。競採彤霞春欲放。殷勤  
探語芳閨。遍尋鸚綠鴨黃堆。蘭光寥  
落地。何處是伊誰。

【臨江仙·屯門夜歸】

霍啟寧 香港中文大學

夜飲闌珊歸帶醉。朦朧月色枝頭。浮  
香倩影寂幽幽。遙看天水接。雲彩入  
江流。幾許塵愁清滌盡。瓊臺  
歌舞神遊。江山如畫意無求。一時忘  
物我。明性照千秋。

特別獎

(排名按姓氏筆畫序)

【臨江仙·杜鵑開落】

李潤滿 香港大學

一片春魂吹漸醒。欲開嬌眼朦朧。暖鶯啼破越腮紅。媒蜂勤探問。蜜意向誰鍾。綉損羅衫嬌色褪。低顰若帶怔忡。忽隨夢蝶撲長空。芳情關不住。早擬嫁東風。

【臨江仙】

馮笑芳 香港樹仁學院

才見梢頭凝淺翠。東風暗渡星河。梅英細數已無多。韶光容易別。潘鬢漸消磨。漫憶華年流似水。悠悠歲月蹉跎。深情將寄欲如何。杜鵑聲又暮。柳浪弄清波。

【臨江仙】

吳澤偉 香港樹仁學院

一夜楊花飄巷陌。侵晨都作塵泥。登樓縱目楚天低。晴光初破後。始有玉鶯啼。休道年華無再少。空教日晷游移。且看流水尚能西。今朝重抖擻。走馬到天涯。

【臨江仙·郊遊】

甄惠玲 香港浸會學院

雨過郊原風景好。行人遊遍春光。風吹碎影舞繁桑。秧波連萬里。香徑接天長。臨遠登高多倦客。此時最愛茶坊。舉杯笑語滿南窗。若能常寄寓。何處惹愁傷。